



FAMILIENDAKO INFORMAZIO OROKORRA

Abenduaren 21eko 623/2017 ebazpenean aurreikusitako prozedura 2017-2018 ikasturtean ikastetxean matrikulaturik ez dauden haurrei aplikatuko zaie; salbu ordainketa konpromisoari buruz 4.1 oinarrian xedatutakoa, konpromiso hori ikaspostua erresebatzen duten eta Haur Hezkuntzako Ikastetxea dagoen udalerrri berean bizi ez direnek hartu beharko baitute.

Ikaspostua eska dezakete:

- 2016an eta 2017an jaiotako haurren gurasoek edo legezko tutoreek; urte bat baino gutxiagoko haurren instalaziorik badago, baita 2018an jaiotako haurren gurasoek edo legezko tutoreek ere.
- Erditzeko aurrez ikusitako data egiaztatzen duen mediku-agiria aurkeztuta, seme-alaben jaiotza 2018-2019 ikasturtearen hasiera-data baino gutxienez 16 aste lehenago aurreikusia duten gurasoek.

Ikastetxean hastean haurrek 16 aste beteak izanen dituzte, edo urte bat, ikastetxeak urte batetik beherako haurrentzako instalaziorik ez badu.

Adopzio edo harrera prozesuan dauden haurren kasuan, horren egiaztatzea aurkeztu beharko da.

ESKABIDEAK

AURKEZTEKO EPEA: 2018ko martxoaren 1etik 15era. Tokia eta orduak: ikastetxean edo entitate titularrean.

AURKEZTU BEHARREKO AGIRIAK:

- a) Gurasoen edo legezko tutoreen NANaren, pasaportearen, atzeritarrentzako bizileku-txartelaren edo balio bera duen nortasun-agiriaren fotokopia.
- b) Gurasoen edo legezko tutoreen lan-egoera eta/edo egoera akademikoa justifikatzen duten agiriak.
- Lan-bizitzaren ziurtagiria, izena emateko aldia bukatu aurreko 30 egunetan Gizarte Segurantzaren alta emanda zegoela egiaztatzen duena. Ziurtagiria eskuratzeko moduak:
 1. 901 50 20 50 telefonoa
 2. www.segsocial.esEnplegatzailearen zinpeko aitortpena edo ziurtagiria.
 - Gizarte Segurantzako araubide berezietara lotuak dauden lan-egoerak justifikatzeko, langilea araubide horretan alta emanda dagoela frogatzen duen agiria aurkeztuko da, baita enplegatzailearen edo enplegatzaileen egiaztatzea edo zinpeko aitortpena ere.
 - Norberaren kontura lan egiten duten profesional liberalen lan-egoera justifikatzeko, dagokion mutualitatean alta emanda dagoela frogatzen duen agiria, lizentzia fiskala eta zinpeko aitortpena aurkeztuko dira.
 - Eskaerak aurkezteko unean ikasten arituz gero, matrikularen frogagiria eta ikasturteko egutegia eta ordutegia aurkeztuko dira.
 - Eszedentzian egonez gero 3 urtez beherako semea edo alaba zaintzeagatik, eszedentziaren jakinarazpena aurkeztuko da eta idatziz azalduko da lanera itzuliko dela ikasturtea hasi ondoko hilabete eta erdian beranduenez, lan-egoerari dagokionez jarduneko langiletzat hartua izan dadin. Lanera ikasturtea hasi ondoren itzuliz gero, ikaspostua eman ondoko hilabete eta erdian beranduenez itzuliko da. Kasu horietan, eta behin lanera itzulita, enpresaren ziurtagiria aurkeztu beharko da, lanera itzuli den eguna frogatuko duena.
 - Langabezia egonez gero, enplegu-eskaerako txartela.
- c) Familiaren osaera frogatzeko agiriak:
- Familia liburuaren fotokopia (gurasoak eta seme-alabak) edo, halakorik ez badago, antzeko agiri ofiziala, osorik.
 - Familia unitateko edozein kideren desgaitasuna frogatzen duen agiria, ikastetxean onartua izateko eskatu den haurrarena izan ezik, edo familia unitateko kideren bat ezintasun iraunkor osoko, absolutuko edo baliaezintasun handiko aitortpena izateagatik Gizarte Segurantzako pentsioduna dela frogatzen duen dokumentazioa.
 - Haurra harrera-egoeran dagoela edo adoptatua dela frogatzen duen agiria.
 - Familia gurasobakarra dela frogatzen duen agiria.
- d) Errenta mailak frogatzeko agiriak.
- Gurasoen edo legezko tutoreen azken errenta aitortpenaren fotokopia. Pertsona fisikoaren errentaren gaineko zergaren aitortpenik egin behar ez badute, errenten edo diru-sarreraren zinpeko aitortpena eta/edo ikastetxearen titularra den toki entitateak beharrezkotzat jotzen dituen agiriak aurkeztu beharko dituzte familiak, 2016. urteko diru-sarrerak zehazteko, edo 2017. urtekoak, onarpen prozesua 2018ko ekainaren 30etik aurrera hasten bada.
- e) Gurasoen edo legezko tutoreen bizitokia edo lantokia eragin-eremu geografikoan dagoela frogatzen duen dokumentua.
- Erroldatze agiria, haurra eta aita, ama edo legezko tutoreak 2018ko urtarrilaren 1a baino lehenagotik udalerrian erroldatuta daudela azaltzen duena.
 - Haur Hezkuntzako lehen zikloko ikastetxeko zuzendaritzaren ziurtagiria, eskatzaileak bertan lan egiten duela adierazten duena.
 - Gurasoen edo legezko tutoreen lantokia zein den frogatzen duten agiriak.

- Bizitokia aldatu behar den kasuetan, etxebizitza berria ikasturtea hasi baino lehen emanen dietela adierazten duen egiaztagiria baloratu da. Kasu horretan, gaur egungo bizitokia zein den adieraziko da, jakinarazpenetarako, eta bizitoki berria, berriz, baremazioa egiteko.

f) Sarbide zuzenerako baldintza bereziak betetzen direla frogatzen duen dokumentazioa.

- Haurren desgaitasuna kalifikatzen duen ziurtagiria edo haurren mendekotasun handia (III. gradua) aitortzen duen egiaztagiria eta/edo profesional batek egindako txostena, zeinetan deskribatzen diren hezkuntza premia berariazkoak ekar ditzaketen ezaugarriak.

g) Beste edozein egoera berezi baloratzeko frogagiriak. Medikuaren, psikologoaren, gizarte langilearen edo zerbitzu espezializatu ofizialen txostena aurkeztu beharko da inguruabar hori frogatzeko.

h) Haur Eskolaren titularra den Udalak ahalmena izanen du beste herri batzuetako haurrak ez onartzeko, ez bada idatziz adierazten bizitokia duten herriko Udala edo familia bera prest daudela Udal titularrari dagokion moduluen ehuneko ordaintzeko.

ZERRENDAK ARGITARATZEA

BEHIN-BEHINEKO ZERRENDAK ARGITARATZEA: 2018ko maiatzaren 4an. Tokia: ikastetxeko eta entitate titularreko iragarki-taulak.

ERREKLAMAZIOAK AURKEZTEA: 2018ko maiatzaren 4tik maiatzaren 11ra. Tokia: Ikastetxearen entitate titularra. Erreklamazioa Hautapen Batzordeari zuzenduko zaio, behin-behineko zerrendetan agertutako puntuazioa berrikusteko zergatia azalduta. Ezin izanen dira zuzendu, inolaz ere, hautapen baremoko puntuazioa alda dezaketen agiriak.

BEHIN BETIKO ZERRENDAK ARGITARATZEA: 2018ko maiatzaren 21ean. Tokia: Ikastetxeko eta entitate titularreko iragarki-taulak.

MATRIKULA

MATRIKULA EGITEA: 2018ko maiatzaren 21etik maiatzaren 25era. Tokia:

Honako agiri hauek aurkeztu beharko dira:

- Haurra inskribatuta dagoen Gizarte Segurantzako kartillaren edo txartelaren fotokopia.
- Matrikulan ezarritako kuota ordaindu izanaren egiaztagiria.
- Beste herri batean bizi diren haurren kasuan, Udalarik dagokion moduluen ehunekoaren finantzaketaren frogagiria. Finantzaketa hori bizitokia duten herriko Udalaren edo familiaren beraren kargura egin ahalko da.
- Gurasoen edo legezko tutoreen 2017ko Pertsona Fisikoen Errentaren Gaineko Aitorpenaren fotokopia. Pertsona Fisikoen Errentaren Gaineko Zergaren Aitorpena egin beharrik ez badute, errenten edo diru-sarreraren zinpeko aitorpena aurkeztu beharko dute eta/edo familiak 2017. urtean izan dituen diru-sarrerak zehazteko ikastetxearen titulartasuna duen toki entitateak beharrezkotzat jotzen dituen agiriak. Agiria aurkezteko eguna 2018ko ekainaren 30era arte atzeratzen ahalko da.
- Ordainagiriak helbideratzeko banku entitateko kartilla-orriaren fotokopia, titularra eta zenbakia agertzen dituenak.
- Kasua bada, beharrezkoa den osasun informazioa, haurra behar den moduan zaintzeko.

Onartutako haurren familiei ez zaie banan-banan jakinaraziko.

OHARRAK ETA DATUAK EGIAZTATZEA

- Ezarritako epean egiten ez diren matrikulek bigarren esleipen bat sortuko dute, itxarote-zerrendako ordenari jarraituz.
- Alegatzen den egoerari buruzko frogagiriak aurkezten ez badira, zero puntuazioa emanen da onarpen baremoan dagokion atalean.
- Egiaztatzen bada eskabidean edo erantsitako agiritan adierazitako datuak okerrak edo faltsuak direla, dagokien puntuazioa aldatuko da eta, kasua bada, emandako ikaspostua kenduko da.
- Hautapen Batzordeak zilegi izanen du edozein unetan frogagiri gehiago eskatzea hautapen baremoan puntuazioa duten egoerei buruz.

TARIFAK

Tarifak aplikatuko dira 2018-2019 ikasturterako tarifak arautzen dituen Hezkuntza Departamentuko araudian ezarritakoarekin bat.

BAREMOA

A) Gurasoen edo legezko tutoreen lan- eta gizarte-egoera edo egoera akademikoa

a.1) Haurren gurasoak edo legezko tutoreak jarraian adierazten diren egoeretako batean daudenean, 20 puntu:

- Guraso edo legezko tutore biak lanean ari direnean.
- Guraso edo legezko tutoreetako bat lanean ari bada eta bestea lehentasunezko dedikazioa (behar bezala justifikatuta) eskatzen duten ikasketa arauak egiten ari denean.
- Guraso edo legezko tutore biak lehentasunezko dedikazioa (behar bezala justifikatuta) eskatzen duten ikasketa arauak egiten ari direnean.
- Familia gurasobakarra lanean edo lehentasunezko dedikazioa (behar bezala justifikatuta) eskatzen duten ikasketa arauak egiten ari denean.

a.2) Guraso edo legezko tutoreetako bat lanean edo lehentasunezko dedikazioa eskatzen duten ikasketa arauak egiten ari bada eta bestea lan bila ari denean, 15 puntu.

a.3) Guraso biak lan bila ari direnean, 10 puntu. Familia gurasobakarren kasuan, 15 puntu.

B) Familiaren osaera, puntuazio metagarria gehienez: 15 puntu.

b.1) Modalitateak:

- Deialdi berean bi seme-alabarentzat edo gehiagorentzat ikaspostua eskatzen bada ikastetxe berean (ikaspostuaren erreserba eta jaio gabeendako eskaerak barne), 15 puntu.
- 6 urtetik beherako bi seme-alaba edo gehiago dituzten familien kasuan, puntu bat haur bakoitzeko. Soilik hartuko dira kontuan izena aurretik emateko epea bukatu aurretik jaiotakoak.
- Familia gurasobakarra, 5 puntu.
- Familia ugaria, 5 puntu
- Familia unitateko kideren batek %33ko edo gehiagoko desgaitasun fisiko, psikiko edo zentzumenekoa aitortua badu, 4 puntu.

C) Familia unitatearen urteko errenta-mailak, puntuazio ez-metagarria: 15 puntu

Errenta-tarteak eta puntuazioa:

15.000 baino gehiago	1,5
12.400,01 eta 15.000 artean	3
10.700,01 eta 12.400 artean	4,5
9.300,01 eta 10.700 artean	6
7.980,01 eta 9.300 artean	7,5
6.650,01 eta 7.980 artean	9
5.500,01 eta 6.650 artean	10,5
4.500,01 eta 5.500 artean	12
3.350,01 eta 4.500 artean	13,5
3.350 edo gutxiago	15

D) Eragin-eremu geografikoa, puntuazio metagarria gehienez: 20 puntu

- Haurra eta aita eta/edo ama eta/edo legezko tutoreak erroldatuta egoteagatik 2018ko urtarrilaren 1a baino lehen eskaeraren xedeko Haur Hezkuntzako Lehen Zikloko ikastetxea dagoen herrian edo eragin-eremu geografikoan den herri batean: 20 puntu
- Aita, ama edo legezko tutorea lanean aritzeagatik eskaeraren xedeko Haur Hezkuntzako Lehen Zikloko ikastetxea dagoen herrian edo haren eragin-eremu geografikoan: 8 puntu
- Aita eta/edo ama edo legezko tutorea lanean aritzeagatik entitate titularraren Haur Hezkuntzako Lehen Zikloko ikastetxe batean: 5 puntu

E) Beste irizpide batzuk. Hautapen Batzordeak beste behar larri batzuk hartzen ahal ditu kontuan: pertsonalak, familiakoak edo sozialak, behar bezala frogatuak eta aurreko ataletan bildu gabeak: 10 puntu, gehienez ere.

F) Puntuazioko berdinketa kasuak ebaztea. Baremoa aplikatuta, adin talde bakoitzerako eskaintzen den azken ikaspostuan berdinketa gertatuz gero, egoera ebazteko irizpide hauek aplikatuko dira, bata bestearen ondoren:

- Ikastetxean anai-arrebak dituzten haurrak
- Familiaren errentarik txikiena
- Hautapen Batzordeak eginiko zozketa